



Broj predmeta: 13-002892/20
Broj akta: 01.1-1413EK-0017/21
Datum, 29.1.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-002892/20 od 14.01.2021. godine i Mišljenja Pravobranilaštva Brčko distrikta BiH broj: M-72/21 od 27.1.2021. godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJIH PONUĐAČA

Član 1

U provedenom otvorenom postupku za javnu nabavku opreme za potrebe Obdaništa i zabavišta „Naša djeca“ Brčko - 2 lota, a prema zahtjevu za nabavku Odjela za obrazovanje Vlade Brčko distrikta BiH, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača za lot 1 je: „**TOP SPORT“ d.o.o. Bijeljina.**

Lot 1 – Nabavka didaktičkih sredstava za potrebe Obdaništa i zabavišta „Naša djeca“ Brčko
Vrijednost ugovora sa uračunatim PDV-om iznosi **19.835,01 KM.**

Naziv najpovoljnijeg ponuđača za lot 2 je: „**GLOVIS“ d.o.o. Zenica.**

Lot 2 – Nabavka sprava za dvorište za novi objekat obdaništa na Ilićki
Vrijednost ugovora sa uračunatim PDV-om iznosi **7.839,00 KM**

Član 2

Postupak je proveden na osnovu Odluke o pokretanju postupka javne nabavke broj: 13-002892/20 od 08.10.2020. godine i Obavještenja o nabavci broj: 1157-1-1-696-3-595/20 objavljenom dana 27.10.2020. godine, specifikacijom roba i ponudom najpovoljnijih ponuđača.

Član 3

Finansiranje navedene nabavke za oba lota će se izvršiti iz kapitalnog budžeta Odjeljenja za Obrazovanje za 2020. godinu, sa šifre projekata: **11324**, naziv projekta: „*Nabavka opreme za unutrašnje i vanjsko uređenje opremanje objekta obdaništa u MZ Ilićka*“, sa organizacionog koda 20040001 i ekonomskog koda 821300.

Član 4

Ova odluka stupa na snagu danom donošenja.

Obrazloženje

Komisija za nabavke je nakon izvršenog otvaranja ponuda konstatovala da su do momenta otvaranja ponuda dostavljene četiri ponude i to ponuđača „Derby trade“ d.o.o. Brčko, „Top Sport“ d.o.o. Bijeljina, „Glovis“ d.o.o. Zenica i „Intec“ d.o.o. Brčko. Sastavni dio odluke čini zapisnik sa otvaranja ponuda. Analizom dostavljenih ponuda Komisija je utvrdila da su ponude ponuđača bile prihvatljive u pogledu načina pripreme, dostave, oblika i sadržaja ponuda. Dalje je Komisija ustanovila da su ponuđači kvalifikovani u skladu sa zahtjevima iz tenderske dokumentacije i tehničke specifikacije. Prilikom analize ponuda, Komisija je utvrdila da nije bilo računskih grešaka u dostavljenim ponudama osim u ponudi ponuđača „Intec“ d.o.o. Brčko, koja je ispravljena, a na šta je saglasnost dao ponuđač. U daljem toku postupka, Komisija je, u skladu sa odredbama tenderske dokumentacije zakazala e-aukciju. Nakon provedene e-aukcije Komisija je utvrdila da su najpovoljnije ponude na oba lota u okviru procijenjene vrijednosti nabavke, te je, uzimajući u obzir sve aspekte ponuda, dala preporuku o izboru najpovoljnijih ponuđača u skladu sa kriterijumom najniže cijene.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjelu za obrazovanje,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
Arhivi.

